

梅亭先生四六標準

九

四
六
標
準



梅亭先生四六標準卷之二十七

太守

賀趙尚書知平江府

汝述

通班媯閣作牧吳門厭承明之勞出領黃堂之寄
游姑蘇之勝請吟畫戟之詩和氣先庚而已孚驩
聲幸午以交慶恭惟其官飄然無敵卓爾不群重
特勸親亦既曳星辰之履大宗維翰乃欲把江海
之麾尺一之留其堅再三之請彌力君陳順我后
于內寧煩更尹於東郊召公繫諸侯之風何害暫
分於西陝登以瀛洲之秩試之馮翊之邦月滿一
輪虎丘幸甚河潤九里鳳闕賴之無以我公歸兮
恐須衮繡有安社稷臣者宜在廟堂其全抱迂踈
獨蒙賞識燕巢于幕正有望於捲簾鴻漸于盤今
若為而遵渚然感恩正在於知己則受德豈待於
成身使相國賜之相國禮之則韓愈亦人耳此執
事事也執事責也於蘇洵何有哉

賀李參政知遂寧府

璧

升班書殿宅牧价藩入為帝王師難戀洞霄之香
火出補父兄馭重尋川路之風煙民說無涯公歸
有漸恭惟某官材全而業鉅學廣而聞多伯夷待



天下之清一星終矣伊尹得聖人之任四海信之
若爲聽文德之麻尚使分武信之竹周公主陝曷
嘗瑕公孫之碩膚山甫祖齊殆欲續祖考之明哲
然有撫四夷之急能無先一州之疑向參耐官或
謂恐任宣威之寄寇公暫撫不如歸圖答虜之勲
所謂真儒無敵之功豈容匹夫不被其澤某聞報
失喜捲書欲狂眉山之見端明不但願出陳黃之
孤洛社之起司馬庶幾卒成遼夏之盟

賀寶慶李知府到任大謙

錫命菟符開藩龍邸鄴侯出守銜苦李之盤根召
伯來宣新甘棠之美蔭驩騰千里喜溢四隣恭惟
某官筆橐世臣箕裘家學畫衡嶽之淑氣真磅礴
而扶輿沈濂溪之 光風聊逍遙兮容與旣贊星
輶之畫又司天塹之糧所去見思厥臨孔惠自合
歸軒墀之供奉願猶試田里之循良惟此三湘壯
哉二邵考姚合之句夸五雲才子之除參韓翃之
詩詫萬里滄波之勝矧今新府密邇故鄉汎掃松
楸宿舂糧而可至綿聯桑梓晝衣綉以何殊暫擁
戟香函遶圭觀某漫爲佐貳正託附庸向忻一識
於荊州今幸再依於劉表偶欲毗峽之馭難隣燭

之夕分尚或濯滄浪之纓叙宗盟而後去

賀盧漢州

公著

代月湖

渙奉恩綸復紆郡組紫樞黃閣蓋舊物之青氈紅
旆碧油又凝香於畫戟置爲歛惠會即疇庸恭惟
某官父教之忠仕優則學識其小者指爲東閣之
郎君見而知之始信西州之奇士勞心兩郡袖手
四年茲奉板輿之親仍分竹符之使維今廣漢實
古維城登橋而訪君平探河漢之遠派臨池而憶
諸葛懷宇宙之大名無疑牛鼎之烹雞政使蟻封
而試馬佇策勲於召杜歸接武於韋平某舊及同
僚新聞報政老驥真老空歌挽士不能寸之詩冥
鴻未冥猶見治平爲第一之召

賀太平字文守

紹彭

恭審輟賢中臺作牧上郡引嫌得請辭兄弟並相
之榮歛惠承流新父母斯民之政雙旌戾止五袴
煖然恭惟某官氣稟岷峨家傳莘渭抗旃出使勇
登老上之庭持節來歸亟荷甘泉之橐惟時重鎮
孰若當塗爰分半竹之符小憇甘棠之蔭朱幡皂
蓋暫凝畫戟之香黃閣紫樞自是青氈之舊某取
違未久遣賀猶稽方國一札之成寧須符合刺史

三公之入即佇袞歸

代羅司法

有開

上撫州林守

岳

一官待戍頗安塵土之卑千里懷賢未快雲天之
覩忘越國過都之遠失檐簷躡躑之勞宋之滕而
踵門若爲藉手何與韓之同業庸可潔身不然凝
清兵衛之香視此卑陬法曹之掾無謂而謁匪狂
則諛恭惟某官德宇浚明性資凝遠深造自得獨
扛百斛之龍文幼學壯行連舉八科之麟角諸老
未能言者天子居然器之影組西崑不受人間之
風日總書東壁漸摩天上之星辰六鰲忽戴於瀛
洲五馬遄驅於汝水穿天出月續康樂之詩章貫
日凌霜儲平原之氣節無多借寇會即詔黃功名
剩跨於數公史冊相期於千載某地寒無挾天稟
甚慳童而習之偶成蠅於誤筆齒已長矣僅得雉
於鳴廬欲留久遠之看恐未遺餘之補渠其繞樹
何所託根柱笏而看西山幸逢瓜代挂席而上南
斗徑造棠陰初非商財賄之有無計班贊之崇庠
止欲觀道德於前後聽議論於左右特恐驢鳴之
止一難希馬價之倍三見刺史即周孔之初無他
望與童子慕回路也請在下風

通撫州林知府

澤之

隨鶴鷺之行昔陪朝綴投雞豚之社茲隸氓編未
修負弩之恭敢緩馳牋之敬恭惟某官心高凝粹
德宇恢通祀梓郎廟之材宜其隆棟璵璠瑚璉之
器而乃潤山粵課民庸入司簿正居然難進而易
退可見特立而獨行厭承明之廬抗嚴助之素志
照臨川之筆尋靈運之舊遊維此偏城雖去凋郡
登瀛平地了無三島之風波擬峴高臺盡領五峯
之煙雨均洪十萬戶之福企望二千石之良丞聽
璽褒式遄圭覲某強名半刺實受一屢拔薤而擊
強宗諒無待任棠之諷索棗而夸新尹但切吟杜
甫之詩

通武岡呂知府

祖烈

典午非材偶躡踐更之次消辰祗戍式嚴事長之
恭半生傾耳以懷賢一旦奉身而佐治斐裁四六
聊具萬分恭惟某官才應時需美兼世濟丹青霖
雨家傳三相之畫圖朱紫風流人敬千鍾之名字
道統聿新於南渡文盟實主於東萊今人莫棠棣
之如蓋優家學故國非喬木之謂正倚世臣乃再
轉而為丞始一麾而出守由也果賜也達

從裕如

黔之嶺巫之嶠斯民幸甚然稽近比詎許久留武
觀一節之趨入侍九鼎之闢某學未能信祿以代
耕入誨諸生非敢絕吟而停手出延五鬼真成觸
諱於轉喉甘心曝簷日之温豈意趣屏星之代今
何如昔寧敢為李膺之大言我不為公抑豈異呂
虔之嘉贈所幸處治中之任而展其足固有負天
下之望者為之前風清月明祗望平分於別乘露
繁天豁或容款奉於清談

上知贛州胡尚書集

聽尚書之履無以公歸分刺史之符徒得君重地

標六二

六

便過家之計天知體國之忠宜奉十行遂倡九牧
恭惟某官篤誠而明允肅括而弘深雲岫無心自
然萬物之吐氣秋竿有節豈以四時而改柯萬人
仰星辰之班六合無風塵之警誰因五單于爭立
之釁遂主十萬衆橫行之謀非上智必英豪談何
容易厭承明勞侍從兆足以行尚煩西清學士之
真俾為南國諸侯之長牙旗鐵馬虎頭素重於百
城寶帶金魚龍尾仍通於八座納獨峯於曾次攬
八境於毫端富貴歸鄉人知從太守之樂其樂謀
猷告后誰其先天下之憂而憂無疾其驅不諫亦

入其一違絢纒五見於締從軍無分寸之功失勢
有千丈之落落路經灑灑鬢已雙蓬身出褒斜命危
一葉謫甘滿百黜不待三北宮之挫一毫縱無膚
撓東野之失連產轉覺心寒惟是頃者之誤傳或
聞舉之以自代士固伸於知己吾景不足以累公巨
源之表嵇康良非素望昌黎之薦侯喜亦足自竒
幸而出大賢之門亦合進小夫之牘實以熏心於
憂患未由奏記於門墻道逢千騎之上頭喜甚六
鰲之抃足輒裁賀語併控謝忱名在惡子之中敢
廢南豐辦香之敬門無行媒之迹亦甘師道三徑
之荒

通武岡虞知軍

衡

仁侯出牧和氣先驅黔之嶺巫之礎地稱樂土軫
之旁鶉之尾天假德星謹藉雙魚候迎千騎恭惟
某官人門具美風調不羣利器盤根縣最茂朝歌
之長清談繁露家聲稱祕監之孫從容再轉之丞
恬退一麾之守惟武岡之矯矯晉數茂洪若文儒
之申申唐推公綽考之近比尤不久留吳公治平
之勲甫簪筆而持橐呂侯詳刑之命又攬轡以登
車我公來合於左符此事即探於右契湘水如舞

暫迎五袴之來嶽雲既開又趣雙旌之入某頃因
退鷁乃識匿犀何幸宣州主人之來將有黔中上
佐之託惟是箱尾以涉筆偶然越俎而代庖茲僭
修副貳之恭非強附交承之好除道路而迎太守
願亟驅畫隼之旗封府庫以待將軍庶早反屠羊
之肆

謝綿州虞知府普

將指非材連需章而祈免陳情未達勤巽命之重
申力不足以回天錢何從而流地洵蒙問勞祗重
悚慚恭惟某官才應時需美全世濟連擁雙旌之
駕喜騰五袴之歌紫闥黃扉自合傳登庸之鉢朱
甍碧瓦且暫分磊落之州有怜芻狗之陳非具木
牛之智爾然疲役畏此簡書猶加從史之詞乃相
親重之道某冒申僂僂冀免驅馳澤國龍節土國
人竟莫回於先甲大家牛車小家擔尚有望於同
寅

代回開州張守晉

榮分漢竹少憇召棠絕異北騎騏驎真成歷塊出
巴東屬胸臆審已開藩恭惟某官文學浚明器資
膚敏談笑千牛之解游刃有餘超騰一鷁之飛挿

翎甚勁言從涪水易守固陵編元子之珠璣多傳
詩賦奏韋侯之金石又妙辭章卧而治之行且召
矣某罔功犴獄躡長雉工無論思朝夕之才漫誇
文石有追逐雲月之友邈在盛山

代回融州沈守

時

出綸西掖宅牧南交惟帝念功不泄邇而志遠建
侯植屏率崇德而象賢恭惟某官風調不羣人門
俱美製百里之錦游刃有餘題別駕之輿建輔甚
速朝陽之鳴已近夜郎之徼方虛君無遐心民有
吐氣某無由旅賀猥辱謙施五馬不受二毛此可
慶耳雙魚中有尺素何以報之

標六十七

九

代回江州莫殿撰中書

子純

叢棘藏瘵改司平之常伯五花委重勤解事之舍
人敢袞謝戕并捺賀臆恭惟某官多士冠冕九牧
羽儀要路在前獨有韓稚圭之識榮進素定了無
張師德之譏忠結人主之知文鼓天下之動乃從
右掖而縮左符鞭鳳笞鸞宜有燕閑之樂帶牛佩
犢反勤禽制之威茲升秘殿之華就易大邦之翰
九江虎渡交騰來暮之謠十年鳳池恐有見晚之
召某老當謝事頌復即工君薄淮南耶計登庸之

不遠吾在汶上矣恐邂逅之無期

代回方韶州

信

五雉分工何補雞翹之末雙魚尺素又勤驛使之來藏去爲榮不知所賀恭惟某官器資庸敏政術融明以專對之學專城裕乎不裕用平戎之策平盜難豈其難輟從三章之溪使鎮九韶之石顯允方叔佇獲醜以言歸執競武王豈忘遠而泄邇某罔功雲部攝長水曹勞侍從厭承明會且歸矣選賢良安渤海跂予望之

代回譙沅州

得遇

榮分竹使出牧杏城安邊境立功名維其時矣崇詩書閱禮樂益少試焉恭惟某官濟美勲門蜚英學省班超投筆當加萬里之封韓信登壇可決千里之勝得州如斗游刃成風沅沘公子之思聊逍遙方容與楚茅王祭之入應糾合而彌縫豈舍王哉今召君矣某雖嘗請別猶闕賀成選用賢良欲安之願察舉龔之意備足文武可使也更疇借寇之功

代回張澧州

忠恕

夏后之辟三千罔功亞旅冬官其屬六十謬玷上

卿五馬高情雙魚下問恭惟某官受材膚敏蒞事
靖共挺挺魏慕寧無祖烈昂昂嵇紹宜有父風聊
分漢竹之符出結澧蘭之佩某罔功曳履有味投
簪荒元亮之菊籬竟成何事想浮丘之松塢空送
此心

代回尤衡州集

榮分漢竹言憇召崇崇德象賢共謂錫山之有後
牧人御衆從知衡嶽之無虞恭惟某官業履粹明
聲華茂麗喬木非謂故國文獻固存茁蘭稱其家
兒典刑是以茲紆魚佩作牧熊湘平庶民愁恨之
心去其蝨螻還中州清淑之氣懷彼鳴臯佇增秩
以賜金復鳴履而曳玉某無由旅賀猥沐謙摛用
賢良固欲安之既深簡在臬京師并蒙福也更乞
勉旃

代回富和州嘉謀

起之家林分以符竹用忠良慈惠之帥慰愁恨嘆
息之民邊圉底寧前旒寬碩恭惟某官名門濟美
雋軌舒翹方事之殷能運糧而排泗相時而動復
得計於觀濠何小智之自私疑大勇之若怯忠無
不報事久益明茲從珍臺遂殿藩服惟是烏江之

重鎮實係垣墉非資青社之餘規難安田里民之
瘼矣君必勉之某雖忻除目之頒猶缺建牙之賀
綠琴委贈莫辦貂襜之酬盡戟凝香願謹燕寢之
衛

代回趙饒州師芳

取材右戚予節左符南土跼鳶風俗昔諳於瀧吏
東方擁騎江湖今樂於番君恭惟某官麟趾清標
鴻寶奧學文章賀白決科俊造之羣政事龍龔黃接
武循良之傳梅花萬里麥稂兩岐盍歸乎來爲王
卿士然宅乃牧亦福京師訪九賢之風流安庶民
於田里亟其璽賜當以袞歸某猶缺賀成乃勤委
重雙魚中有尺素已尊君子之謙五馬不受二毛
更覺王孫之貴

代回林撫州

岳

右虎留符左龜拂印以柳易播君何改刺之嫌自
宋之勝我得受墨之幸恭惟某官材全業鉅學廣
聞多七歲而賦方圓靜若得意連年而取科第易
於摘髭教胄西宗抗旃北漠旋被南衙之薦入讎
東觀之書輟從第一之祕丞進陪十五之郎位願
試馮翊勇下蓬萊今轉爲汝水之行殆亦是吾州

之慶宜薤一本未能獻郡人之規歌麥兩岐已略
聞太守之政所願召參之使少寬借寇之民某方
欲賀成先勤委重唱父老曰陽公賢也行亦謀歸
有子弟而子產誨之別遲善頌

代回方連州

楠

疏恩北闕宅牧南交唐陽山之都雖去窮處漢桂
陽之守蓋有聞人恭惟某官抱負雄深踐揚詳熟
爲丞再轉人歌別駕之功出守一麾上念專城之
重有華銀嶺遠畀銅符無疾其驅恐有天子之詔
起視汝穴更觀刺史之謠某遙想履封無由旅賀
望千騎上頭之去應有光華因雙魚中素之來就
申寫送

標升七

十一

代回錢漳州

蕊

榮剖漢符旣臨漳浦人生五馬賸收及物之功山
有九龍豈少專城之樂恭惟某官飛騰聲實明習
憲章近使之遠使之皆駕韶鈞之韻汝器也何器
也宜爲廊廟之珍惟其游著於民庸是以復煩於
郡寄雙旌畫戟無辭遵海而南一札綠綈會即自
天而下某持荷惟舊視蔭無多馮熊兩轡愧莫陪
於賀厦烹魚尺素聊復具於報章

代回唐光化煇

考工弗績久慙五雉之司宅牧惟良遠致雙魚之
問洗此執熱儼如即溫恭惟某官宜在中朝顧乘
邊障九夷通道既歸馬于華山之陽千里專城姑
擊牛享雲中之士今召君矣豈舍王哉某由履胡
顏投簪甚力人生五馬貴願森衛之有加天高數
鴻鳴愧報章之不腆

代回趙袁州彥倓

起自家林分之符竹庶民安其里是在二千石之
良刺史得其人茲爲十萬戶之福恭惟某官蜚英

檄十七

十四

屬籍擢秀宗標頃聞弦歌之聲已高物表不謂肯
綮之技久縮袖間茲由祝釐始復出牧袁雖小郡
古號名邦江山勝遊謝靈運之風流猶在閭里無
事韓昌黎之政術可師卧而治之行且召矣某違
離滋久企仰良深聞去騎之逐雙旌喜而不寐因
烹魚之有尺素文以足言

代回廬州趙守伯麟

分竹南衙憇棠東輔庶民安其里是在二千石之
良刺史得其人何止十萬戶之福恭惟某官凝資
信厚蓄德惠和大雅不羣信其來之有自小邦懷

德宜所去之見思茲屈高陽子之才出爲縉雲山之牧民庸益懋王觀不遙某側聞建牙未由削檟雙魚中有尺素先承君子之謙五馬不受二毛祇覺王孫之貴

代回葉廣德

延年

分命竹符承流桐汭安庶民於田里是在刺史之良潤千里之京師尤借近畿之重恭惟某官識宏且敏材裕而通鏘百里之絃歌紛諸臺之剡薦明庭擢雋方通振鷺之班神圉祝釐遽抗冥鴻之志起家而得二千石去天而在咫尺間勉策民曹行

標六二

一五

遄王覲某未馳賀幅猥辱謝緘豈自知雲中哉固行藏之難料吾必在汶上矣恐邂逅之無期

回趙全州賀權軍

必愿

比蒙省劄暫攝郡章退惟涉筆之文丞詎又挈瓶之假守祗慚越畔無敢告鄰然在五日京兆之間亦竊千里滎河之潤輒憑咫尺僭布萬分

代回信州李守

昌

振職司均抗章請外治粟方資於內史傳聲俄與於信州周南之滯有之江東之幸多矣恭惟某官茂騰聲實蔚有典刑仙李盤根三百年之闕閱秋

蘭流馥四十載之才名方陞九扈之司忽念五馬之貴詔書催發難漱石以枕流德政甫臨已反風而滅火爲繭絲爲保障豈無素定之規有社稷有民人足展平生之學某未諧旅賀猥沐損箋老矣綴班將何逃於司敗歸歟假道猶有謁於館人

代回林嘉興

良

輟丞外府作牧內畿羞崑崙薄蓬萊孰窺雅意右扶風左馮翊欲展通材卧而治之行且召矣恭惟某官持操甚正揚歷彌深武城之愛播於弦歌海沂之康流於頌詠藹然譽處服在班行甫更再轉之餘遽請一麾之去言從攜李少憇甘棠舉頭即在於長安濯足會登於雲漢某未遑燕賀先辱魚書儻未挂洪景之冠猶願見黃霸之壘

代回晁南康

百談

訪靈谷之煙雲旣擁千騎懷廬山之風月忽寄雙魚忻然發函喜至折屐恭惟某官清門秀望名世真材卽之溫然不減天球之器韻識其小者漫知月斧之精神方群飛之刺天寧一麾而出守兵衛森畫戟豈特昌韋應物之詩山水含清暉政欲考謝康樂之句徒得君重行以公歸某密託桑陰旣

凋蒲質腰黃何補愧山靈之移文頭白早歸煩謫
仙之寄語

代回真州闞宗簿 一德

持橐無功忝青氈之舊物飛牋爲惠辱黃絹之好
辭有味其言不知所謝恭惟某官踐敷茲久望實
具孚旣朝蹟之居多亦民庸之荐著以恢然十二
牛之刃宜快哉九萬里之風屬淮甸兵甲之餘民
亦勞止惟闞公祭戰之雅帝曰俞哉不待席溫行
膺璽召某久安芟製又玷荷囊斜日街山所謂聊
復爾耳浮雲出岫未妨歸去來兮徒佩先施莫諧

厚報

代回魏湖州 大中

陞華簿正得請州麾旣建高牙屹隆方面曾未遑
於馳慶猥先辱於飛牋恭惟某官早煥英躔寢儀
膺仕神臯治劇久風月之平分匠監參聯去雲霄
而一握惟古馮翊乃今吳興帝掄輔郡之材僉曰
明公之可承流方爾歸譽翕然潤九里而及京師
君有餘矣先一州而後天下人謂斯何其自笑龍
鍾阻陪燕賀天時向熱望少留水晶之宮氣候稍
涼却歸侍玉皇之案

代回和州李守 大東

上車強顏又綴甘泉之法從開緘見面重逢采石
之謫仙妙語爛然高情厚甚恭惟某官名門勝士
昭代通材自其不早於小官固已可卜其遠器婉
婉幕謀之贊煌煌簿正之光胡然把麾爲此歛惠
意淮民之離散已數萬人寬漢詔之嘆愁惟二千
石徒得君重無俾民憂鄉黨宗族稱盛焉何朱輪
之陸續父子兄弟相繼也會紫橐之聯翩某幸託
南鄰已投西崦聊復爾耳便當挂神武之冠行或
使之猶見賜潁川之璽

八標十七

十八

代回太平王左史 居安

諫大夫之去國公議謂何良刺史之爲邦疲民幸
甚愧貢書之已後辱垂問之相先恭惟某官粹學
淵回英姿山立識其小者巍巍拾芥之科誰其似
之挺挺伏蒲之節交驩將相拔去兇邪此非淺之
爲丈夫所謂上不負天子捫中無愧補外亦榮載
洒龍山尋孟嘉之風味泛舟牛渚問公瑾之功名
雖未均弘亦不落寔某年運而往日具之離猶冒
恩除聊復持泉之橐小須興盡行當挂神武之冠

代回鄒汀州 非熊

黃帽青鞋又踏東華之塵土朱轡畫戟未忘北社
之比鄰有來緘滕良慰離索恭惟某官溫然國器
厚其交情自頃杜門寂寞雀羅之設猥蒙枉駕從
容雞黍之期求今人中有此客否自榮駟於五馬
已屢寄於雙魚平生所聞陳汀州流風未遠丞相
皆舉龔渤海即日當遷孰知厚祿之故人政爾頗
哀於老子某持荷仍舊視蔭轉斜骭髀伊優揔不
若挂冠而去嬰跼勃率或猶及召璽之來此心所
期須面以旣

代回錢漳州密

八標六一

一九

晚景投閑叨承賜召秋官兀屬竊玷貳卿靖循僥
忝之由寧匪游揚之助未遑控謝先辱飛牋千騎
上頭悵莫陪於祖送雙魚尺素窘不盡於報酬

代回筠州王守樞

停鸞起敬長懷東閣之郎君烹鯉得書知在西江
之道院飛文璀璨荷意勤渠恭惟某官早著英猷
寢躋膺仕淵然韋元成之學問濟以伯禽父之謙
恭簿正搢華人已疑於婉晚民庸得請君何有於
鄙夷風行水波少爲高安之父老雪耻日獻月納
行見王家之子弟超人郎選方虛公來則重某不

之維屏是資公族之英恭惟某官濯秀銀潢舒翹
玉幹持平棘寺獄勿誤於有司歟惠竹符民甫誇
於新尹倦游廬阜乘興叩山初非求喬木之迂姑
欲廣甘棠之憇恐未煖席又有温綸某倡牧亡庸
為寮有幸千里湖山之自得此豈力能庶民田里
之相安尚希愛助

代回建昌趙知軍時適

已下代衛參

抗章請外得郡來南兩科禮樂之英宜居表著千
里循良之寄定賴藩維恭惟某官大雅軼群清標
映世七略百家之浩浩既策雋躔十事九聿之嚴

標九下

二下

代回新南劔朱守

疇庸監郡疏寵專城別駕之功澤既濬於彭蠡三
刀之夢劔終合於延平銅魚初分竹馬交慶恭惟
某官世科馬奕政學練詳屬爾立朝名實既孚於
上下翩然引外動靜不失其光明久題湓浦之輿
遂擁演山之戟佇由明試亟用遄歸某辱託同寅
良深贊喜引會稽之綬足紹光榮聽臨淮之歌更
觀強直

代回興國趙知軍

引嫌抗疏改命作州共此大江尤倚上流之重均

之維屏是資公族之英恭惟某官濯秀銀潢舒翹
玉幹持平棘寺獄勿誤於有司歟惠竹符民甫誇
於新尹倦游廬阜乘興叩山初非求喬木之迂姑
欲廣甘棠之憇恐未煖席又有温綸某倡牧亡庸
為寮有幸千里湖山之自得此豈力能庶民田里
之相安尚希愛助

代回建昌趙知軍時適

已下代衛參

抗章請外得郡來南兩科禮樂之英宜居表著千
里循良之寄定賴藩維恭惟某官大雅軼群清標
映世七略百家之浩浩既策雋躔十事九聿之嚴

標七

五

嚴更游餘刃方觀再轉遽取一麾金盤玉板考顏
碑之遺蹟銅陵石澗尋謝履之舊游特恐未煖席
之間又有不俟駕之召某濫茲聯事行且蒙成我
思古人雖有媿戶庭之令民曰太守尚相圖田里
之安

代回鄂州趙監丞彥縮

借材武監作鎮价藩皇華以遣使臣有嚴並命他
人不如同姓足壯上流恭惟某官卓爾不群淵乎
似道翔而後集刺天不羨於羣飛用之則行奔電
何難於千里甫從再轉亟領一麾種柳西門人固

望陶公之政懋崇南國公盍明召伯之風會於文
昭武穆之英復此漢廣江沱之化富貴乃其自有
治行當以上聞其樸被歸田分符易地東連吳會
馬牛非不及之風西望武昌烏鵲有可依之月

代回南安趙知軍

伯鳳

解佩治中分符嶺下疇庸外服知更試之已詳就
任除書見用賢之不次伏惟某官天資廉靖政術
寬明惟其有之美不忘於世濟潔其清矣畏猶在
於人知游分男國之封綽有子民之惠與其半吉
陽之刺何如專橫浦之城更暴而循惟良共理報
政無遲於五月飛車即下於九天其政爾藏瘼溫
茲聯事胡越同舟而濟尚無可異之心魯邾擊柝
之聞幸假相扶之力

代回沈興化

紡

諸公奉詔共騰薦士之章老子綴班亦切挂名之
寵徒得君重實獲我心恭惟某官實德蜚英名門
濟美閩有山川之勝在昔已然莆為文物之邦惟
良共此頗聞賢明慈惠之政寂無愁恨嘆息之民
輒以名聞是為衆選未見升遷之報又何巽謝之
為某陳力不能奉身而退亦有專城之命似可卜

鄰已無叱馭之心何因假館

代回何巴州 友諒

符分銅虎將尋粟里之歸興在驪駒獨奉巴州之
寄勤渠遠問感哉深情恭惟某官井絡聞家坤維
秀望南賓出守是爲四十而專城北闕上書且有
九重之知己謂式遘於王覲乃復懋於民庸他日
有殊恩計不遠矣十年爲同姓與有榮焉某納履
星辰把麾江海歸鴻遵渚難隨鳥翼之過浮鷁朝
天猶覲鴈行之附

代回建寧李守 詒 已下代衛參政

贈琴弓桂林知將行於湘水發軔兮元圃復出守
於价藩愧迎賀之未遑感勞謙之見及恭惟某官
典刑炳蔚器采端深靈光殿之獨存是閔衆目承
明廬之三入又把一麾五年憇南國之棠再命典
西清之橐謂歸班於文石還分闡於武夷無疾其
驅即有詔追之寵不聞亦式况深猷告之知某承
惠長沙懷歸茂苑雙魚中素莫殫報施之情千騎
上頭尚佇臨存之惠

代回臨江丁知軍 必稱

得覲楓宸分華竹使朱轡皂蓋豈但人生五馬之

榮碧嶂清江盡在都城百雉之內恭惟某官耆明
山立廉潤春温才名四十年久於許國刺史二千
石甫此起家伊誰去從何見之晚吳城葛井袁水
蕭灘無嫌如斗之州正藉成風之刃不容席煖行
有輪迎某聯事方新懷歸已切叔度何暮定閑襦
袴之有無令尹重來試問人民之非是

代回建昌趙守

訪洪崖之井漸欲東還問歐冶之池又令南徙上
章自列中詔未俞欲馳話別之牋已辱駢章之寵
恭惟某官身兼數器氣蓋諸公暫爲清香畫戟之
吟益增碧澗紅泉之勝二千石之有效宜莫如君
一再鼓而已衰何以教我某又隨旄纛特畏簡書
聞越地肥聞亦有禽魚之樂吳江水冷何當逐鷗
鷺之吟

代回姚開州 自舜

題慈恩之姓久遂託交傳盛山之詩始知出守遠
勤委翰更費屬辭某官續三世科爲諸儒唱頡頏
飛霞之佩宜在漢庭籛弄明月之珠久留蜀道會
膺表選亟有裏除某游守銅魚甚思尊鱸同年千
里恍如琴上之星何日一罇共聽簾間之雨

代回林饒州繫已

顯膺帝綍榮領价藩番君得江湖之心定酬民望
雷令候牛斗之氣乃借鄰光恭惟某官籍甚才名
蔚為壽俊道赤水而容與揚歷已深上青天之崢
嶸咨諏有賴居然蠖屈始此雄飛惟是餘干控于
粵服遠考劉長卿之舊政近師范文正之餘規御
屏記名天子有詔某留連洪府密邇大邦飛盡棟
之雲既勤郇汗酌青灣之水尚賴晉波

代回徐濠州翦

已下代何月湖作

拔尤蓮幕分寄竹符當從軍四五年之餘有起家

標六十一

廿五

二千石之寵可知才美超出等夷恭惟某官滿腹
甲兵摘髭科第小試東南之尉勇隨西北之師贊
畫碧幢息氛紫塞側聞鴻鴈之離散淮甸皆然重
罹犬羊之腥羶濠梁為甚帝咨誰守僉曰公宜非
常之任待非常之材斯言益信不次之除有不次
之報指日可期某偶綴公朝例蒙私謝窺威顏咫尺
天之意寧有遐心誦良吏拊循時之詩即觀奏
最

代回興化張知府聲道

畫戟清香有闕恭先之問明珠繡段例承委貺之

勤情文燦然衰遲媿甚恭惟某官器資凝遠材具
端方久朝績之踐敷思民庸之展布選侯千里出
守一麾閩為保障之雄莆乃衣冠之會徒得君重
無俾民憂某偶綴近班過勤私謝乞為寒水玉方
無計以滌煩贈我金錯刀諒不深於責報

代回王歸州茹

塵埃伺候甚思何氏之山林翰墨淋漓似見王家
之子弟玩之終日灑如清風恭惟某官材地寬餘
人門秀整理意琦行真淮海之俊人玉友金昆皆
正元之朝士未空羣於冀北姑歛惠於巴東方千
里而封諸侯豈不足以為政先一州而後天下將
有感於斯文某自笑衰蒲更為小草迷途未遠已
令童僕之迎俗駕當回何待逋客之謝

代回金黃州與

百舍思賢夢過黃泥之坂一書委貺坐來赤壁之
風讀之灑然何以得此恭惟某官影纓膺仕脫穎
竒材屢風月之平分盍雲霄之獨步屬當寇至能
與城存遂就畀於麾符俾益堅於保障綸巾羽扇
訪故壘於西邊畫戟清香歌大江之東去何以累
君子猶有十萬之羸進而彊本朝行膺尺一之詔

其既乘下澤又變屬車邊秋一鴈聲漸起江湖之興
人生五馬貴願精茵鼎之調

代回太平州王左史

居安

迎五馬問專城已嘗上記烹雙魚有尺素始報下
車厚賜駢蕃旅酬窘澁恭惟某官眼高四海氣蓋
諸公惟僚其位而行不得其言則去今之君子遑
恤位隆而道污賢哉大夫可使頑廉而懦立故於
去國一二年之近遙有起家二千石之榮報政匪
朝歸班有日某久踈顏采未隔心期君薄淮陽耶
願早還於禁闥吾在汶上矣會猶見於爾書

代回饒州滕知府

安

入膺顯命出殿雄藩餘干乃蕃之故都有華作牧
遠方聞滕之仁政必願受塵眠龜之賀未遑烹鯉
之書何腆恭惟某官褫身肅括操行淑均獨扛百
斛之龍文恢然抱負連中兩科之麟角雋甚聲華
歷試民庸率登政最再持平於廷讞旋入直於郎
闈萋兮織文翩若襍被水清石見雲散月明故從
二千石以起家且使十萬戶之蒙福考古文翁之
宅題詩柳惲之樓拜顏魯公於堂已見心期之石
落繼范文正之轍會看步武之騫騰某方此違離

悒然馳僚傾蓋如故何幸兵衛之疑香游刃若新
亦使鼓旗之旁譟

代回林處州 孔明

起自家林出守輔郡以賢明慈惠之帥寬愁恨嘆
息之民上意甚隆下情惟允恭惟某官蜚英雋軌
策步華塗表裏瑩乎純明中外久於揚歷屬當赤
白囊之警出分赭黃織之憂未明李廣之功遽得
樂羊之謗忠無不報事久益明徑畀竹符往臨枯
郡抱濟北老人之石何必知勇之功名訪江南處
士之星會有太平之官府某猥塵班綴過辱緘滕
弩矢前驅雖少稽於賀厦鼓旗旁譟猶有待於賜
環

代回劉袁州 履忠

光膺漢詔出牧江城穀旦于差瓜期而往所謂十
萬戶之福其惟二千石之良恭惟某官望實高華
典刑秀整自頓割雞之政交騰薦鷄之章服在班
行藹然譽處恬爲丞於再轉甘出守之一麾布新
澤勸耕桑請驗韓昌黎之表得賢君游庠序自有
李泰伯之文洗空珥筆之聲即聽壘書之召某偶塵
橐綴例辱緘緘當太守入境之初雖稽燕雀之賀

夏頌聖主得賢之美猶期蟋蟀之吟秋

代回慶元程知府準

榮駟節傳易殿价藩凝燕寢之清香護龍潛之舊
邸寬條一布和氣四騰恭惟某官器宇端凝才猷
敏劭盤根利器游刃有餘野水橫舟乘流則逝一
樸潛郎之被屢褰華使之惟宣室不見賈生方議
以公卿之任穎川必得黃霸始慰其父老之心瀚
海澄波京師蒙潤近長安之日豈舍王哉望蓬萊
之雲今召君矣某比方蒙教復辱損箋陪進旅退
旅之餘雖已遲於賀夏拜特書屢書之况亦自足

以生春

代回姜道州楷

起從珍館出綰銅符板輿迎養之榮竹馬歡呼之
切教條一布喜氣四馳恭惟某官夙抱通材蚤儀
華貫西風便面厭隨京洛之塵東海邊頭歸望蓬
萊之氣雖某水某丘方便於幽討然吾山吾溪正
賴於主盟考陽城之勞心知所從矣得元結而吐
氣竊有待焉安知良刺史之歸不應吾太公之望
某未遑旅賀先辱謙施欲往從之湘水深莫效綺
琴之報歸去來兮山酒熟亦吟畫戟之香

代回光化唐知軍

韓

蘭芷可佩頗懷瀟湘之故人草木知名似是江淮
之刺史徒得君重寶獲我心恭惟某官文史蟠胸
精神滿腹觀牛刀之游刃已犬足之生鱗自爲入
幕之賓彌露處囊之穎果從交辟徑把一麾邊城
蹂躪之餘野馬也塵埃也郡守經理之始爾絲乎
保障乎無有遐心政觀遠業某恭承嘉惠甚覺故
情沉乎不繫舟漸爲興盡之計賞此無瑕璧但歌
靡盬之詩

代回傳贛州

伯召

標九十七

三十

奉詔舉賢誦公充賦貽書陳誼期我過情言及而
言謝非所謝恭惟某官器資宏毅識量浚明四顧
而解全牛號霹靂手一洗而空凡馬真腰裏蹄卧
汲黯於淮陽固許召還於禁闥試望之於馮翊不
如即置之本朝日君有命於庭星郎多虛其戶凡
在班列許以名聞雖不勝匹雛固爲無力人矣然
有如一鷄敢不表而出之露請頗勤天高未動不
度德不量力雖見笑於大方非要譽非納交亦粗
賢於流俗不虞手畢却重背芒回首丘山何害四
十圍之溜雨濯足雲漢會看九萬里之搏風某獲

落無容嬰跼未去迷邦故今晚方微吟黃太史之
詩可人期不來亦太息陳後山之句

代回嘉定林守繫已

對月半輪好在漢嘉之太守披雲五朶乃是瀟湘
之故人間者闊焉得此足矣恭惟某官玲瓏俊識
卓犖通材和荆潭之詩氣已吞於餘子隨巴蜀之
檄名益震於諸公兵衛森盡戟之香談笑入青油
之幕聊將八詠還受一錢載酒訪揚雄之居登樓
歌李白之句亦職有利益歸乎來某久欲挂冠又
還持橐庚星之配殘月寧容到曉之不叔丙亢之

標六十七

廿一

有嘉魚所願得賢之與共

代回全州莫守若冲

奉詔舉賢徒得君重貽書問訊至尊倅來此意何
敢忘耶以頌非所望也恭惟某官久騰茂實宜在
本朝竒寶橫道驥服箱誰其識者斜風吹惟雨注
面愛莫助之今雖方千里而爲諸侯猶是先一州
而後天下昨者命出輒以名聞天空而日月高或
未裁擇於此奏水深而波浪闊寧當憔悴於斯人
細讀綺談只慙綿力某無能爲役豈不懷歸直如
朱絲繩願加意於自愛報之青玉案媿出吻之無

奇

代回曹岳州格

入對宣室出守湖陰布寬大之六條銷嘆愁於千里銅魚既合竹馬交驩恭惟某官操行靖共賦資凝遠學術齊相之清淨猶有典刑文章子建之波瀾豈其苗裔自早騰於夷路謂立據於要津居然偏城歛此大惠展洞庭萬頃之眼自足行春吞雲夢八九於胷不妨坐嘯化行俗美何必慮潢池之驚政通人和是可後天下而樂某坐遲一識過辱屢書吟高柱清唱之詩悵莫陪於履舄持燕寢凝香之句願加茲於鼎茵

代回黃筠州榮

為丞再轉出守一麾用山谷先生之家試江西道院之郡先聲所暨和氣可知恭惟某官離奇長材齋法雅量人皆切切知足効於一官公獨恢恢身可兼於數器聽琵琶於湓浦幾成三歲之淹夢絲筆於武夷又作一年之借帝念高安之父老誰為元祐之子孫弄印相除過家甚寵九轉之丹砂點鐵如探諸懷十行之紫詔封泥可拱而俟某無能東緼徒慶得輿去騎之逐雙旌不得負鄉人之弩

烹魚而得尺素乃屢分鄰壁之燈

代回章衡州

良肱

尺書起敬莫測浮湛累幅勞謙至勤駢儷恐前魚
之未達對回鴈以生慙恭惟某官識足洞今學皆
到古上規姚姒發壁中科斗之文平到陰何粲雪
裏飛鴻之句薄蓬萊而引去指嶽麓以請行皂蓋
春濃姑棠陰之小憩紫樞地近佇棣萼之相輝某
復此隨班幾何視蔭曉行湘水固知畫戟之清暮
見吳山亦望碧雲之合

代回史蘄州

宜之

標大

北二

分虎合符灼龜視篆惟兩淮之上郡在三楚之中
邦雙旌得人五袴有日恭惟某官美由世濟學有
家傳斂板轅門糧自通於流馬奏刀巖邑技益敏
於割雞結綬登畿把麾出守維古英氏之國乃今
蘄春之區大膊以還高牙是仰佇懋民庸之最遠
為王覲之圖某縻身於朝莫面以賀雙魚尺素之
遺何以報之兩驂四黃之迎焉知來者

代回高黃州

得全

分虎專城拂龜視印碧油紅旆宣中宸之寬條赤
辟黃岡壯上流之重寄恭惟某官長材濟美雋軌

蜚英三仕春容采入淮壩毫晚晚始分邾子之邦
雲夢在曾陽春有脚願將印綬少分黃屋之憂却
着絲絢歸復青氈之舊某識賢已後辱問相先歌
桂棹以長懷未應陳迹記竹樓而有感願繼盛名

梅亭先生四六標準卷之二十七

梅亭先生四六標準卷之二十八

太守

代回新建寧府李大諫

大異

戊月湖

蒼玉青旂趣元侯之北觀清香畫戟轉仁氣以南
驅誕對端辰裊時蕃祉恭惟某官蜚英騰茂聽厲
即溫肆夏升歌擬宣麻於文德陽春有脚還擷茗
於武夷芳歲維新叢休滋至某龍鐘甚矣燕賀缺
然列炬盍簪願遂同朝之喜習鄉上齒便爲告老
之謀

代回程峽州

峻

象刑贄治自媿罔功雉正共工猥令攝長愧未申
於巽謝遽先辱於謙撝恭惟某官燕譽甚休駟除
不遠閑香山之白傳歲月已深起東海之蕭生風
雲胥會有如衰朽諒借吹噓某自揣頭顱不堪指
目聊復爾耳少陪鳴履之班行或使之即控挂冠
之請

代回程慶元

準

制五刑即天論贄曹無補居四民時地利攝長可
慙旣拜誤恩亦懷厚庇恭惟某官賢勞于外聖眷
已深怜草木之味同假之聲氣惜桑榆之景晚借

以寵光挽回神武之冠躡視文昌之座其餘年無
幾取數已多司喉舌之納言濫巾甚愧借齒牙之
餘論納履爲期

代回孫衢州子直

憲曹贊治徒玩歲以罔功起部虛負遽誤恩而率
屬有渥粉榆之芘密榮蒲柳之凋恭惟某官作牧
近畿肇基王業有功則說行頒一札之書位事惟
能會振六官之譽由怜衰朽巧借吹噓某久欲投
簪寧堪鳴履司納言之喉舌恐乏告猷借餘論於
齒牙早期歸老

代回張澧州忠恕

分符竹使出牧蘭江諒榮戟之初臨已袴襦之交
詠恭惟某官人門具美仕學皆優粵從幕水之依
羣空異野尋駕屏星之寵歌蒲海沂茲歛惠於一
州行報政於五月某語離方爾賀上闕然遭吾道
兮洞庭相從已晚遺余襟兮澧浦藏去爲榮

代回潘真州友文

象刑贊貳自媿罔功雉正攝丞猥令率屬非餘波
之遠竊何誤渥之驟加恭惟某官朝蹟方華民庸
甚茂駕輕就熟不忘推轂之言噓枯吹生巧借託

根之地故令尸素亦復佩蒼其餘年無多休日已
晚惟是識鄭崇之履莫報君恩止當挂弘景之冠
歸歌聖德

代回安慶揚國傳

揖

元帥辟賢名儒出牧傳道解惑太學固教化之原
謹身帥先郡守亦吏民之本恭惟某官器資端亮
學術粹夷論不詭於聖人皆師友乎孔孟達可行
於天下真妾婦於儀秦自服班行益隆譽處人有
矜式甚慰橋門億萬計之心民無嘆愁却須刺史
二千石之力用召父杜母之政慰桐君皖伯之邦一
郡得才萬物吐氣某未由削櫝先辱飛緘君豈薄
淮陽耶當還禁闥吾必在汶上矣猶見爾璽書

代回周建昌

燧

入覲天陞出牧江城地小而民實殷無謂附庸之
陋政平則訟自理蔚為保障之雄恭惟某官濟美
象賢蜚英燕譽頌為別乘既邦國之不空今則專
城諒湖山之自得眷盱江之小壘接閩嶠之要衝
欲寬愁恨嘆息之民是在賢良慈惠之帥銅陵石
磴尋謝屐之風流金盤玉杯識顏碑之氣骨是不
落莫何有鄙夷某方此違離悒然馳縻揅三萬軸

嘗願託於主盟奉咫尺書敢再溫於前請

代回趙肇慶

鬢垂霜白甚便烏角之巾腰佩水蒼仍玷紫荷之
橐何勤妙墨更示徽言恭惟某官大雅不群在宗
載考駒翩翩兮長駕早空異北之群鳶跼跼兮卑
飛猶落嶠南之遠佇策龔黃之績歸圖勉峴之功
某有七不堪負四宜去會且歸矣願為聖人之氓
愛莫助之請續循吏之傳

代回王楚州

益祥

入紆漢組出牧淮壖銅虎分符資循良之共理石

東廿八

四

龜設險喜牧御之得人恭惟某官材具寬詳器資
敏劭循循善誘立美教於鱣堂諤諤以昌振直聲
於烏府屈伸以道出處何心茲屈搏風九萬里之
程姑承起家二千石之籠山陽古郡江北要衝師
旅飢饉之餘民亦勞止勞來還定之政公優為之
某別日猶新消辰未審雙魚中素猥勤先施之光
千騎上頭莫贊前驅之慶

代回趙江陰

彥适

入對文石出牧澄江天近帝畿已覺王孫之貴地
名道院諒無刺史之難恭惟某官卓然宗標展也

國器大功二十之一舉才子以爲宜同姓五十有三
交邦君而亦衆眷淞河之奧壤在中浦之名邦
舳艫相銜如枕席之上湖山自得歸庭戶之中使
細民而息肩在大宗之維翰某儀圖賀履寢迫歸田
八座前銜恍已成於芻狗尺書厚意聊附報於歸鴻

代回趙南雄善僕

懷組新興改轅舊部昔爲半刺猶未究於全材茲
旣專城諒不孤於共理恭惟某官飛英屬籍擢秀
儒科楚令尹之清已之無愠漢良吏之盛去則見
思久於飛鳧晚而展驥剔藪欲擒於劉關啜羹不
媿於樂羊茲從三楓就領半竹吏民旁午共忻別
駕之重留號令先庚不待賢侯之再命紅旗破賊
畫戟凝香某側聞下車未由上記種柳而歌刺史
願早成陰折梅而憶故人無忘寄驛

代回黃岳州渙

入對楓宸出分竹使京洛雲山外方佇來儀乾坤
日夜浮又煩坐鎮恭惟某官恢然抱負多所踐駁
攜龍枕參蚤冠南宮之進士馮熊接軫歷試東方
之諸侯豈表盜直諫乃不居中抑望之雅意固求
補外屈伸以道出處何心今奉建武之細書坐覽

岳陽之大觀先天下而憂後天下而樂不在茲乎
有刺史之榮無刺史之難亦足試矣某負二宜去
有兆足行我欲破何山之輦且甘藿食公當增黃
霸之秩而入筍班

代回張潮州 鎬

出綸西掖作牧東陽魚佩虎符香自凝於燕寢鳳
城龍首患何有於鱷溪恭惟某官喬木聞家茁蘭
秀質高山流水早收出宰之榮明月清風尋取平
分之寵民懷五袴君夢三刀眷是潮陽雄於廣郡
善必聞惡必見雖嶺海如畿甸之間守此土治此
民乃貢賦供宗廟之壤惟能誕布韓昌黎之政自
可細和鄭餘慶之詩某從雙魚中聞千騎上文軫
之薄桂海無有遐心姓名之在御屏願恢遠業

代回章象州 時言

夏辟三千貳卿弗績名官六十攝長奚功過辱高
情遠垂下問恭惟某官材猷膚敏政術融明竹使
虎符曾謂人生之貴桂林象郡諒增地望之雄猶
枉雙魚見華五雉某去天雖近來日無多竹馬交
迎公當厚南土之惠尊鱸旣熟我欲御西風而行

代回施溫州 檄

西曹叢棘之鄉躡升五雉南國甘棠之伯遠寄雙
魚頌而不規榮亦為媿恭惟某官身兼數器惠歛
一州雅志在乎本朝行召君矣好善優於天下豈
欺我哉故令陳人復被新渥某亦聿旣耄豈不懷
歸天子以孔戣為尚書三留其媿丞相舉龔遂於
太守一見即行

代回王寧國補之

制五刑以即天參聯無補居四民而時地率屬可
慚簡拔非宜游揚有自恭惟某官久分符竹行及
成瓜國人曰賢當拾遺於禁闥天子有詔許奏計
於甘泉猶枉魚書見華雉正某日之夕矣人謂斯
何納言喉舌之司濫竽何益餘論齒牙之借納履
為期

代回建寧傅侍郎伯成

象刑贊治自媿罔功雉正分工猥令率屬誤恩有
自餘芘焉依恭惟某官王之蓋臣國之元氣元戎
小隊又頒千里之春方國細書行趣九重之覲曲
憐衰朽密借品題故躡長於中臺使少華於末路
某身其餘幾欲者不多慮行道之猶非倚門骯髒
愴休日之已晚搔首踟躕

代回新平江趙待制 希憚

弭節江城建牙輔郡鸞鳴滕閣久雅望之遙臨燕
寢蘇州暫凝香之森衛恭惟偃藩明德胙土大勳
衮衣繡裳宜拜左周公之命彫戈皂蓋又分右馮
翊之符卧而治之行且召矣某罔功犴獄攝長雉
工昔受一廛事其大夫賢者今為三輔無以我公
歸芳

代回陳撫州 蕃孫

牧夫庶獄之司躡陞五雉邦君諸侯之寵遠寄雙
魚受之赧然感亦厚其恭惟某官器資敏劭治術

西庚廿八

寬明師出於陳鄭之間孰共彘履人樂其龔黃之
教謂有璽書似聞棠陰之成已迫葵丘之代民雖
借寇使盍召參諒敬老之近親不撫壯而弃穢某
偶然曳履行矣投簪君數父執於慈恩誰其存者
我得屢珉於仁政顧不幸哉

代回常德趙守 師乘

輟材宗邱作牧价藩全楚故邦義陵雄郡既有賢
明慈惠之帥當無愁恨歎息之民恭惟某官玉瓜
流芳金門賜第雲霄一握盍陪護於屬車風月平
分久徊翔於別乘茲分符竹趣及成瓜三閭大夫

何至斯濯纓想樂武陵太守好事者進棹尤宜洞
庭無波宣室有詔某未遑上記候問下車空遺雙
魚聊作不遠之復人生五馬願觀自養之頤

代回湖北范漕

子長

兼鄂州

四牡之勞使臣久稽王觀五雉之爲工正謬忝國
恩手畢鼎來背芒益重恭惟某官岷峨雋特江漢
經營方言利者析秋毫民力竭矣得明公而守夏
口使指裕如式遄其歸不遠伊邇某負二宜去有
七不堪詠南朝之數諸何恍非其舊歌西賊之聞
一范願疾其驅

標才人

代回新吉州汪守

機

祥刑訓夏莫輸贊貳之功事典司冬忽被攝承之
命誤恩有覩餘庇焉依恭惟某官游著民庸還分
藩閩起家二千石佇看黃紙之除書連檣一萬艘
豈戀紅粧之執樂行且召矣願少須之某久覺龍
鍾難司鳩僦已屢貢挂冠之請兆足以行雖遠勤
削擯之褒榮式爲愧

代回胡峽州

紀白雲之司已慚弗績分蒼玉之佩更愧罔功良
馬五之烹魚雙只恭惟某官賦姿凝遠布政疏明

居然一麾之臨邛在三峽之遠詰曲羊腸之路王
尊願爲忠臣崔嵬虎牙之山吳漢隱若敵國願望
此府無媿昔人某司臬無庸共工尤忝讀西陵至
喜之記恍若夢游感北山勒移之文凄其歸晚

代回柳州趙守師懿

老夫老矣躡分五雉之工公子何如遠致雙魚之
素感藏甚厚報答莫宜恭惟某官千里名駒九苞
威鳳榮分符竹行吟種柳之詩少俟戍瓜即布甘
棠之化有華下問遠及陳人某翫麟雲司超騰水
部曳鄭崇之履小立斯須挂弘景之冠止慙遲暮

八標六八

十

代回孟嚴州導

分竹近畿及瓜代戍舉頭見日治行易於上聞運
斤成風德澤亟其下究恭惟某官抱負甚偉揚歷
采詳恪持三尺法之平以長王國忽請二千石之
祿而課民庸維今嚴陵視古馮翊范文正之風流
未泯趙清獻之矩範具存舉而措之斯亦竒矣某
縻於聽履闕若盡簪去騎之逐雙旌賀成已後烹
魚而有尺素先施甚慚

代回李崇慶重

優詔起家分符予郡蜀更多故有愁恨歎息之民

公勉一行真賢明慈惠之帥雙旌戾止五袴驩然
恭惟某官德履直方器資凝遠夕長蛇朝猛虎去
而違之乘赤豹從文狸潔其清矣未走三節聊把
一麾道守瓊璫萬頃之江委諸汶井駐我眉半輪之
月照此唐安田里得以底寧公卿選諸所表某游
從已舊俯仰成陳歛大惠于一州徒得君重賜細
書於方國無以公歸

代回臨江洪守叔

敬爾攸獄慚貳職之亡庸咨汝共工遽叨恩而率
屬高情下問外覩內慙恭惟某官業履粹明政聲

標七八

七

充寶傳家萬卷洞先秦古史之書出守一麾續兩
漢循吏之傳排閩風而直上歷吉日兮將行猶貽
雙魚之緘見華五雉之正某強顏曳履有味投替
輪人為輪愧罔功於鳩儔相門有相願崇德以象賢

代回晁南康百談

參華陳臬玩歲亡庸率屬共工自天有命遠勤五
馬特枉雙魚恭惟某官當世淳儒為時循吏得州
如斗少低刺史之天尊渚有星佇應郎官之宿交
章已入趣覲不遐某自覺龍鍾寧堪鳩儔司納言
之喉舌深愧濫巾借餘論於齒牙早期納履

代回興國揚知軍迪

抗章引外得請專城六館諸生方有範模之地長
江千里可無保障之人伏惟某官能賦摩空明經
飾吏頃者一同之政藹然三異之稱鴻羽來儀鶴
行增重四方之供簿正兆豈足行九里之潤京師
賢然後用闔閭故壘彭蠡上游累年無靈積之藏
數處有風寒之護上爲民計中遣公來能安田里
之嘆愁必記御屏之姓字某濫茲作牧政爾爲僚
屬州得陽公之賢亦去幸矣便道因滕閣而至爲
我賦之

標片

十一

代回安慶陳知府貴謙

望郎引外不孤銅虎之分倦客得遷只動尊鱸之
想未遑泚記遽厚鳴謙恭惟某官奧學淵回清標
山峙氣沮金石豈徒黃絹之好辭世掌絲綸宜得
青氈之舊物亦旣累年於東觀非惟百日於南宮
乃懷棠棣之碑徑賦桐鄉之政朱光嘗爲皖守非
此地耶汲黯不薄淮陽今召君矣其久荒三徑又
長十連望吳會於雲間恨無飛羽借潁川之河潤
但切馳心

代回羅建昌勳

陳情便養疏寵改麾顯升二千石之真龍光有渥
榮遂九十親之侍燕喜尤多恭惟某官左學英游
西樞貴介抱持醇固言行擇乎中庸揚歷詳深名
實孚於上下輟從李寺出館竹符建牙密邇於故
鄉蓄眼雄誇於新尹報政紅泉之澗徙蕃白石之
汀側聞盱江舊隸撫境不離梓里游奉板輿豈惟
有刺史之榮蓋亦全天下之樂第虞選表却合處
中某幸甚爲寮愛焉莫助問專城之五馬方欲修
書得尺素於雙魚惟深抱愧

代回安慶林知府

仲虎

簪筆何功蒙誤恩之起廢函成甚寵辱妙語之嚙枯
藏去爲榮不知所謝恭惟某官心期到古膽略過
人一從右學以策名三縮左符而出守竊窺近奏具
見遠圖應憐老驥之服輿根塵猶在故因飛鴻之
送目書問先之某髮白奚爲腰黃弗稱見此古壘
洗當韞積以儲藏報之英瓊瑤愧探囊之羞澁

代回常台州

建

斜日投閑冒誤恩而入侍朶雲借潤儷好語以相
先有味其言莫知所謝恭惟某官早飛雋軌寢踐
夷塗忽持江海之一麾出領湖山之千里丹丘按

堵畫戟凝香行有詔追即歸禁近其髮真種種心
已休休咫尺不違顏雖少光於末路八十猶行脚
祇見笑於大方

代回陳撫州 蕃孫

別畫戟之凝香倏焉兩月讀烏絲之妙語燦若五
雲未能先施良負不敏恭惟某官粹資玉立厚德
春溫來臨父母之邦居多豈弟之政民胥然矣皆
願受一廛而爲氓我儀圖之又私喜同年之有後
比因造朝之役過勤下榻之情曾謝幅之未遑已
慶緘之先及某去天雖近來日無多騎馬聽雞聊

標六

十四

續邯鄲之夢踞龜食蛤終尋汗漫之期僮米疾驅
猶容嗣見

代回孫衢州 洵

鄉里有賢者久矣傾心出入相避然失於交臂鼎
來手畢益重背芒恭惟某官抱負不凡踐揚茲久
甫安朝蹟豈少民庸屬錢楮之重輕生閭閻之愁
嘆衢故太末也今實輔藩君薄淮陽耶即歸禁闥
日扁舟之東上時千騎之西來所至賈胡以俟明
府或恐銅駝陌上會相見故徑下嚴陵之灘豈料
金鯽池邊不見君遂直過定山之路荷長鬚之垂

問搔短髮以懷慚某不安田廬又趨殿陛以年亦
當廢矣難借吹噓曷月予還歸哉恐勤將送

代回魏知府 欽緒

別去仞墻倏焉兩月有來尺素爛若五雲旣媿先
施又慙厚報恭惟某官棲遲盛福邂逅初心厭簪
筆於承明久挂冠於神武顧恐踞鞍之矍鑠猶堪
奮袖以低昂盍歸乎來何見之晚某不安西崦又
踏東華惟有當歸已決焉於去計入爲遠志徒仰
止於高風

代回建寧傳侍郎 伯成

不雅

十五

諫大夫之去國誰解引裾賢刺史之還鄉真成衣
錦旣幸邂逅適我願矣猶恨出入如相避然恭惟
某官性稟直方氣全剛大難進易退温温維德之
基遇事直前蹇蹇匪躬之故方此告嘉猷于后蓋
將下膏澤於民無三諫之不從遽一麾而出守拾
遺補過寧忘汲黯之忠納誨輔台行聽南宗之命
某不安西崦又踏東華戴惠文之冠身其餘幾挂
神武之服秋以爲期

代回常德呂守 昭遠

歌滄浪之水猶記獨清望赤城之雲忽分五采恭

承嘉惠益怙故情恭惟某早策名躋盍躋膺仕瑚
璉清廟之器寧久在山杞梓明堂之材誰將作室
游仙夢浙公定憶秦人之挑吊古愁多我亦念靈
均之蕙有華妙語肯寄舊交某蹇步踳跚斜陽寂
歷續東華之夢又聽朝雞讀北山之移只慚夜鶴
挂冠有日望履無階

代黃漕聲回趙致劑善下

宗邱賢勞旬侯均佚赫奕廉車之重焜煌郡綬之
光既合虎符足凝燕寢恭惟某官直溫而寬栗明
允而篤誠早入對乎三雍近於大雅晚更條於七

八標六

十六

略博以羣書兼左右之戚賢乎上下之名實糾合
周盟而肅若欲分陝服而主之適咨牧於金華爰
取材於玉葉高牙大燾屹隆屏翰之維今袴昔襦
諒借京師之潤某驅馳其職飛輓何功轉數十萬
給中都實日虞於司敗良二千石有治理是天幸
以蒙成

代回趙南安師傳

合符桂海之北易鎮梅關之南以忠肅恭懿之材
慰愁恨嘆息之俗銅魚既合竹馬交驩恭惟某官
夙派天潢早梯月窟製尹何之錦愈出愈奇題仲

舉之輿再進再勇遽厭飛鳶之影懶移祭鱣之文
謂即入於直廬猶于蕃於橫浦陽和有脚姑行大
庾之春咫尺違顏即近長安之日某謬塵班綴例
厚緘滕逢驛使一枝之來喜承見寄跂織女七襄
之報愧不成章

代回洪筠州櫛

解龜庸蜀分虎勾吳惟筠爲州號西江之道院與
鄱接壤得北道之主人民起來暮之歌公有衣畫
之寵恭惟某官流芳名闕騰茂通材鳴單父之琴
全牛自解入河陽之幕凡馬皆空方夢翼以朝天

標六

十七

遽捫參而歷井惟良作牧所去見思乃若高安之
城亦出錦江之水舉頭見日知漸近之使然有脚
行春計無遠之弗屆某重游碧落轉覺黃昏十部
從事之來敢無酬於記室三公刺史之入願益大
於相門

代回章象州時言

榮紆郡組誕布詔條象郡自秦旣入中州之籍虎
符分漢是資循吏之功雙旌鼎來五袴咸喜恭惟
某官人門具美風調不群惟服襲於典刑故飛騰
於聲實屢製尹何之錦技敏奏刀載題仲舉之輿

歌騰別乘宜森畫戟出擁朱轡跼跼飛鳶公茂鄙
夷之意嗷嗷鳴鴈民有安集之期某例辱巽戩備
知謙德龔遂良二千石必能致渤海之安申公年
七十餘聊復議明堂而去

代回興國葉知軍

代衛參政

榮分漢竹言憇召棠二千石之起家上恩甚寵十
萬戶之受福民望已深恭惟某官文獻名家典刑
勝士盤旋州縣既不嘆於徒勞容與班行亦自安
於平進淒其在疚甫此御祥適擇牧於山城爰借
材於家食川名曰富人實多貧荒政十二聚萬民

標

十八

正煩料理長江千里護數處庶免流離某濫守師
藩幸同察察鄰國之政寧敢自私安刺史之民
更期忠告

代回吉州薛守

琴

杜陵老大久便白木之鏡漢殿論思又綴紫荷之
橐此皆左右先爲容也所恨出入如相避然恭惟
某官名聞甚華歷仕皆膺自分郢城之月即行闕
嶺之春聲實交流班聯孔邇又森畫戟出訪青原
連檣一萬艘不廢撫摩之政起家二千石會看華
要之除某見謂衰遲過勤比數雙魚中有尺素良

感故情五馬不受二毛相期早貴

代回建昌黃知軍

迎五馬問專城甚慚不敏身雙魚有尺素乃辱相
先雖感高情能無下汗恭惟某官器資凝厚材具
寬餘鼓琴一再行誰識高山之志作詩三百首可
默咸池之音畫戟朱轡新戶庭之號令紅泉碧澗
添溪谷之精明不俟合符會膺召璽某崦嵫日薄
江海天遊老入明光踏舊班固已戒來迎之僮僕
歸來輦路聞好語又將選所表之公卿儻即疾驅
猶容晤語

標去

十九

代回傳贛州伯召

趣齊國之裝方圖迎候展山谷之啓乃辱先施雖
多溢辭亦感厚意恭惟某官精明玉立芳潤春溫
翩翩者騅一洗而空九馬恢恢其刃四顧而解全
牛游持江海之麾始駕山澤之節夜郎爲徼彭蠡
無波乃今易鎮之除其殆過家之計虎頭城下雖
爭爲竹馬之迎豹尾班中恐催看槐龍之舞某不
堪視蔭又復綴班無以公歸少辨朝廷之事豈惟
我賀是蓋邦家之光

代回胡峽州

坦

蒼顏華髮不堪東華之塵埃盡戟清香好在西陵
之門戶飛牋璀璨佩意勤渠恭惟某官德性靖共
器資肅括蒼皮溜雨此非樸櫟之材高浪駕天抑
豈坳泓之水由轄而院既三四稔以身去國已七
八年居然一麾猶在千里自公言之誠屈爲民計
則甚良商旅願出於塗何憂郡計公卿選諸所表
會有郵音某久矣地寒加之日薄勞承明侍從之
事豈不懷歸及穎川太守之來願安承教

代回臨江洪守伋

五馬專城未遑先問雙魚尺素良佩高情自顧闕
標六
然何以得此恭惟某官器資閎敏材具寬餘孟子
有言故國非謂喬木魏暮敢諫此笏乃今甘棠有
如把麾何足游刃願今近咫尺天之選皆自良二
千石而來勉分黃屋之憂會取青氈之舊某景翳
翳而將入技斷斷以無他乘興而來聊復續東華
之夢乞身以去行將上北闕之書

代回薛漳州揚祖

百舍思賢寢闕承顏之便尺書委况具知存念之
勤退惟衰遲良深感戢恭惟某官持心靜重臨事
敏明中外揚歷之詳聲實飛騰之盛猥辭簿正出

領州麾諒因報政之來即見歸班之寵某桑榆短
景樗櫟散材簪筆甘泉姑對揚於休命挂冠神武
會邂逅於初心

代回趙徽州 希遠

千騎上頭未遑贊慶雙魚尺素猥辱謙勤靜言思
之為禮過矣恭惟某官神明帝胄禮樂宗英早詳
七略之書宜應三雍之對翱翔半刺淹屈全材惟
古郡之新安乃先正之舊治流風善政崇德象賢
召杜龔黃勉策名於今日毛原周召會配德於古
人某雖綴近班已謀歸計暗中摸索願有似曾相
識之疑送上吹噓不勝無能為役之嘆所願刀呂壘
之下或在挂冠之前

代回筠州施守 楫

起家得郡便道開藩雙旌兩轡頓覺偏城之重一
襦五袴想回寒谷之溫恭惟某官器采端華典刑
炳蔚為博士為太尉茂譽處於前聞有喬木有世
巨盍躋登於要路洊分漢竹出憇召棠惟筠為州
夙號江西之道院貫蜀之水曹為錦里之主人一
郡得賢萬物吐氣某濫茲分閫幸甚為僚修豫章
庭戶之間正茲懷愧雪高安父老之耻當遂蒙成

代回王楚州 拊

入紆漢組出牧淮壩銅虎分符資循良之共理石
龜設險喜守禦之得人恭惟某官才具寬詳器資
敏劬循循善誘立美教於鱣堂諤諤以昌振直聲
於烏府屈伸以道出處何心茲屈搏風九萬里之
程姑承起家二千石之寵山陽古郡江北要衝師
旅飢饉之餘民亦勞止勞來還定之政公優爲之
某別日猶新消辰未審雙魚中素猥勤先施之光
千騎上頭敢廢前驅之慶

代回高郵汪守 統

標六

二十一

掌故民部已覺厚顏首善賢閔更叨附尾三省僥
逾之自一由披拂之功恭惟某官厚德嘔枯深仁
蘇涸拔茅連茹引黨類以同升自葉流根先京師
而蒙潤曲振孤寒之跡亦聯獨冷之官某倚席非
材濫巾有醜子厚齒牙之不少獨欠爲師少陵爾
汝之肯忘無多酌我

代回桂陽張知軍 國均

鄰東家之棗尚欠即溫憇南國之棠猥蒙假蔭實
未知千騎之上遂有稽一介之書鳴謙先之自訟
悚甚恭惟某官美高世濟才應時須以持橐三世

之家守取履一編之學盤根錯節不辭州縣之勞
茂實英聲共擬公侯之復旣奏絃歌之最俯甘管
籥之司倦直上於星辰游平分於風月茲膺竹使
來撫桂封竊稽漢史之傳不但衛蠆之政茨充之
代此郡俗始農桑許荆之繼是邦民知教化惟公
善政與古匹休豈久凝畫戟之香亟歸取青氈之
舊某不堪位置何足控搏旣難封不龜之侯聊爾
監無蟹之郡已作紅泉石磴之夢更數月則可歸
然在紫蓋天柱之旁希五雲之見庇

代回富順揚知監

伯雨

標二八

九二

花嶼讀書敢作三刀之夢角巾還里願開兩焰之
祥孰分隣壁之光寔倚大邦之屏恭惟某官器資
凝遠業履端方學斟酌乎六經真越諸子家清白
者累世仍畏四知頃從幕府之游茂著賦輿之最
旣樵蘇之宿飽合斧繡以晝行游刃成風技飽經
於肯綮得州如斗袖何足以回旋然旣車輕而馭
良何嫌舟大而水淺誰如仲鄉者會有裏言君薄
淮陽耶即膺中召某十年出幕一障乘邊自憐無
味以可憎况聞不修而已壞楚餘波之及晉儻沐
垂情滕小國之間齊庶幾逃責

代回眉州趙守 希濬

武穆文昭又憇棠而出守召父杜母愧楊糝之在前比已修執訊之誠茲又辱巽牘之寵恭惟某官飄然無敵卓爾不羣子政文章何止十二篇之頌辟疆議論願爲二千石之淹甫稅駕於龍泓又偃藩於暮嶺先聲戾止和氣藹然江酌瓊瓊暫領一盃之水袍分宮錦即銜七寶之盃某契託交龜情深賀燕袴歌今五已欣逢廉叔之來樓近古三安得有黎侯之愛

代回劉知府 光

十年出幕已迷蜀道之津兩焰生巾又在鄭公之里天幸事大夫之賢者日可就有道而正焉恭惟某官夙擅三長兼該七略尉中壘卿宗正雖鬱壯圖前江陵後弘農已多美最顧戀三堂之竹洞懶尋千樹之桃栽行當解五斗之醪即日奉三雍之對某一寒寡與獨冷多畸盤盤再辱於青泥愧愧三榮之皂蓋方圖設榻而延孺子仍合避堂以舍蓋公愛勿勞乎忠勿誨乎正願拜任棠之水姓所同也名所獨也詎庸避安石之墩擁篲不遙操觚罔既

代回雅州費守

澄

千騎迂臨已諧望履雙魚寵賁尤佩鳴謙徒欽博
我之文亦耻過情之譽恭惟某官清涵江漢秀擢
岷峨萬字千鍾暫試文章之守十行一札行登獻
納之班觀剪裁鯨錦之工知潤色龍縑之學所恨
黃金之虛擲真成白璧之暗投某分竹罔功飛芻
何力見君子去胡不喜既窺善者之機教使臣必
咨於周願受忠焉之誨

代回簡州楊知府

汝爲

載酒子雲之宅方欲欵門着鞭季休之州已聞開

標大

府挾故闕修於耦牘念舊辱畀之朋戔一謙之光
三復以愧恭惟某官器資疑遠業履清通大音豐
瑟而義琴正學周情而孔思其言明其行粹鄉譽
夙高所居富所去思民庸甚茂早深丹袞之眷已
奉綠綵之招君不行兮夷猶羗難得而覩縷茲從
便郡姑用起家朝廷深知弱翁佇膺峻擢兒童爭
迎郭伋安得久留某清領銅符獲依珂里車幾兩
馬幾駟未敢希揚侯之歸薤一本水一盃所願受
任棠之教

代回嘉定高知府

泰叔

去歲茲辰共對孤罷之傲兀當暮之日獲迎五馬
之逶迤辱榮戟之遙臨感珠璣之委貺惟深十襲
敢廢七襄恭惟某官業履粹夷風猷高潔學問襲
石室之富鑒裁媿金鏡之清安行鳴大輅之鑿詭
遇謝小人之乘鴻陸有漸鵬路自高得百姓之心
以廉為本道千乘之國所去見思自奏最於三嵎
蓋躋班於兩禁若為熊軾又泣龍藩太白對影成
三人更弄平羗之明月東坡不願侯萬戶只尋古
佛於凌雲嘉州不負於此身漢殿即嗟於見晚某
獲依鄰壁正竊餘光田里愁嘆之聲每拊心而知
愧原隰光華之雅方拜手以固辭尚所吾味之同
不吝君波之及

代回新崇慶黎知府袖啓 伯登

恭承游驅熊軾改牧龍藩奏二十七最之優宜歸
漢殿連六千石重之寄更守唐安民曰幸哉公為
淹矣維昔交雙鱗之賀乃今瞻千騎之光恭惟某
官學問淵停器資山立早結冕旒之眷入為臺閣
之珍倦直承明復歸蜀道東藩兩郡所去見思西
掖九迂最宜為誥頤動觀梅之興又煩分竹之行
不俟突黔即膺泥紫某同升有幸懷德滋深燕雀

賀大夏之成幸諧面慶龜魚切美鄰之蔭尚慰心
期

梅亭先生四六標準卷二十八



梅亭先生四六標準卷二十八
賀大夏之成幸諧面慶龜魚切美鄰之蔭尚慰心



